



Publicaziuns dalla vischnaunca, jamna 14

Damonda da baghegiar

2022-1019.000

Datum dalla publicaziun: dils 8 d'avrel 2022

Il patron: Proprietad en condomini parcella 1242, c/o Beatrix Rössler e Christoph Bauer, Via Plauncas 9, 7180 Disentis/Mustér
Object: Construcziun sco era renovaziuns da finiastras, parcella 1242, Casa Fraissen, Via Plauncas 9, 7180 Disentis/Mustér.

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 8 d'avrel 2022
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2022-2022.000

Proprietad en condomini parcella 1221, c/o Edwin Deflorin, Gassa da Cuoz 21, 7186 Segnas; sanaziun dalla seiv viva entras ina seiv cun lattas, parcella 1221, Gassa da Cuoz 19, 7186 Segnas.

Nr. 2022-2023.000

Proprietad en condomini parcella 790, c/o Venanzi Wenzin-Solari, Via Veglia 3, 7180 Disentis/Mustér; niev paravent sin balcon, parcella 790, Via Veglia 3, 7180 Disentis/Mustér.

Nr. 2022-2024.000

Christoph Berger, Via da Scola 12, 7180 Disentis/Mustér; nova colligiazion dil provediment d'aua, parcella 691, Via da Scola 12, 7180 Disentis/Mustér.

Disentis/Mustér, ils 8-4-2022
Uffeci da baghegiar Disentis/Mustér

Administraziun communal

Sur Pastgas naven da **gievgia, ils 14 d'avrel 2022, dallas 12.00 entochen mardis, ils 19 d'avrel 2022, allas 8.00** resta l'administraziun communal **serrada**.

Bien engraziament per Vossa capientscha.
Administraziun communal



Exposiziun publica da recuors

Revisiun parziala dalla planisaziun locala «punt pendenta»

En applicaziun d'art. 48 alinea 4 dalla lescha davart la planisaziun dil territori pil cantun Grischun (LPTGR) ha liug l'exposiziun da recuors pertuccont la revisiun parziala dalla planisaziun locala dalla vischnaunca da Disentis/Mustér, la quala ei vegnida approbada ils 25 da mars 2022 entras il cussegl da vischnaunca.

Object:

Revisiun parziala dalla planisaziun locala «Punt pendenta sul Rein, Sontga Gada–Mumpé Medel»

Acts d'exposiziun:

- Plan general d'avertura 1:2000
- Rapport da planisaziun e cooperaziun cun annexas

Annexas:

- Messadi per mauns dil cussegl da vischnaunca
- Rapport tecnic
- Rapport ecologic; examinaziun davart l'influenza dalla punt pendenta sin fauna e cuntrada

Temps da publicaziun:

30 dis naven dils 8 d'avrel entochen ils 9 da matg 2022

Liug e temps da publicaziun:

Casa communal (stanza nr. 10), Via Cons 2, 7180 Disentis/Mustér duront las uras da spurtegl ni online [www.disentis.ch/downloads/exposiziun publica da recuors](http://www.disentis.ch/downloads/exposiziun_publica_da_recuors).

Recuors da planisaziun:

Persunas, las qualas han in agen interess digns da vegnir protegius vid ina contestaziun dalla planisaziun ni ch'ei legitimadas leutier tenor dretg federal, san inoltrar alla regenza enteifer 30 dis dapi il datum da publicaziun a scret in recuors da planisaziun encunter la planisaziun locala.

Organisaziuns digl ambient:

Organisaziuns digl ambient exerciteschan lur dretg da recuors tenor art. 104, alinea 2 dalla lescha cantunala davart la planisaziun dil territori. Q.v.d. ellas s'annunzian enteifer il temps da recuors tier igl uffeci cantunal pil svilup dil territori ed inoltreschan silsunter eventualmein ina posiziun.

Disentis/Mustér, ils 8 d'avrel 2022

Suprastonza communal Disentis/Mustér

Lenna da brisch

Damondas per lenna da brisch (**pégn ni lenna dira**) ein da far **en scret entochen ils 13 d'avrel 2022** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Lenna sin il tschep vegn mo vendida, sche las premissas pertuccont scolaziun minimala da luvriers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér



Preavis 22-4-2022

Sera d'orientaziun per la populaziun

Venderdis, ils 22 d'avrel 2022, allas 20.00 ha liug el Center Fontauna (halla da tennis) in'orientaziun publica davart divers impurtonts ed interessants projects che occuoran actualmein en nossa vischnaunca.

Aschia vegn la **Immo Invest Partner SA** ed in representant dalla grupp **Accor** che administrescha la cadeina da hotels «**Mövenpick**» ad orientar la populaziun davart il stan actual ed il plan da termins previu dil project «**Hotel Acla da Fontauna**».

Plinavon vegn igl investur dallas **Pendicularas Mustér, Marcus Weber** ad informar la populaziun sur da lur projects che duein vegnir realisai ils proxims onns en nossa vischnaunca.

E buca sco davos vegn la vischnaunca aunc ad orientar la populaziun davart igl andament dil **project d'engrondaziun ed innovaziun «Center Fontauna»**.

La suprastonza communal selegra sin stedia participaziun.

Cordialmein envida
Suprastonza communal Mustér

Rimnada da pupi

Venderdis, ils 29-4-2022

Preziadas convischinas, prezias convischins. La rimnada da pupi d'avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora, e quei da gliendisdis tochen **venderdis (12.00–17.00) e las sondas (10.00–12.00)**, e buca durant la rimnada.

Bien engraziament per Vies agid e sustegn!
Nossa Scola populara Mustér, Ch. Berger

Alp Cristallina

Cordiala invitaziun tier nossa radunonza generala da proprietaris da dretgs d'alp che ha liug **venderdis, ils 8-4-2022**, allas 20.00 ell'ustria «Cresta» a Segnas.

Sco usitau vegn purschiu ina tscheina a tuts presents. Propostas san vegnir inoltradas a scret al president Anselm Sialm tochen ils 6-4-2022.

Sin stedia participaziun selegra
la suprastonza



Producziuns finalas – Movis

Juhui! Finalmein astgein nus puspei sepresentar.

Nus affons, giuvenils e carschi da Mustér e las vischnauncas vischinontas presentein cun anim e plascher nossas coreografias che nus havein exercitau durant igl onn da sault 2021/22.

Cu? sonda, ils 9-4-2022, allas 20.00
dumengia, ils 10-4-2022, allas 14.00
Nua? Halla Cons, Mustér

Tanzaufführung – Movis

Juhui! Endlich dürfen wir wieder auftreten.

Wir Kinder, Jugendliche und Erwachsenen von Disentis und Umgebung präsentieren mit Freude und Begeisterung unsere Choreografien, die wir während des Tanzjahres 2021/22 einstudiert haben.

Wann? Samstag, 9.4.2022, um 20.00 Uhr
Sonntag, 10.4.2022, um 14.00 Uhr
Wo? Halle Cons, Disentis

Vegni e mirei! Nus selegrein da Vossa viseta ils Movis

TCS Sektion Graubünden – Regionalgruppe Surselva

Einladung zur Generalversammlung am Freitag, 8. April 2022, 19.30 Uhr im Restaurant «Rätia», Disentis. Anschliessend an die Generalversammlung offerieren wir unseren Mitgliedern ein feines Nachtessen. Der Vorstand der Regionalgruppe Surselva freut sich über Ihre Teilnahme.

Occurrenza publica – Ensemen cun Vus per ina ferma Cadi

Mesjamna, ils 13 d'avrel 2022, allas 20.00 envida l'Allianza dil Center Cadi ad in'interessanta occurrenza publica che ha liug sin Claustra Mustér ella sala Peter Kaiser.

La candidata ed ils candidats per la Regenza, **Carmelia Maissen, Marcus Caduff e Jon Domenic Parolini** vegnan a referir davart interessantas ed impurtontas tematicas. Aschia per exempel sur dalla mobilitad, la scolaziun, la cultura, il sport ed il svilup demografic ed economic en Surselva sco era el cantun Grischun. Plinavon vegn **Martin Candin** cuortamein ad orientar davart las pli interessantas actualitads da Berna.

Silsuenter ha liug ina discussiun da podi cun la candidata ed ils candidats dalla regenza sco era cun ils candidats dall'Allianza dil Center Cadi (gliesta 5), **René Epp, Clemens Berther, Diego Deplazes e Fabian Collenberg**. La discussiun vegn dirigida digl anteriur deputau **Placi Berther**.

Suenter la discussiun da podi, circa allas 21.30 envida l'Allianza dil Center Cadi ad in apero per aunc star empau da cumpignia e dar ina ni l'otra buna paterlada.

Nus selegrein sin gronda participaziun.
Suprastonza Allianza dil Center Cadi



Seniora-Ca

Invitaziun

Gievgia, ils 14 d'avrel 2022, dallas 14.00–16.00 el centrum Aua Viva. Tema: Exposiziun da maletgs da Pfr. Ernst Sieber cun guid da ser Christoph Zingg, silsuenter vegn offeriu caffè e petta da buna cumpignia. Pfr. Ernst Sieber da Turitg, igl augsegner dils carstgauns agl ur en nossa societad. Da quels senza tetg e malsauns da drogas (a nus ei il Platzspitz da Turitg aunc ellas ureglias) ei el dapi 1962/63 fetg enconuschents atras sias acziuns e fundaziuns specialas.

Pli pauc enconuschent ei Pfr. Sieber sco artist, en special ses maletgs ch'ei oz en possess da sia famiglia. En la retscha da ses maletgs cul tema Passiun e Pastgas semuossa sia profunda cardientscha en Christus e siu operar sin basa dalla diaconia, pia il concarstgaun. 14.00–15.00 accumpignament atras l'exposiziun cun explicaziuns da ser Christoph Zingg.

15.00–16.00 caffè e petta en buna cumpignia. Transport: drov'enzatgi transport, lu s'annunziar tier Linus, 079 423 01 37, ni Jürg, 079 445 14 13.

Prendei la caschun, vegni e mirei in tema per la Jamna sontga!

Team Seniora-Ca

Seniora-Ca e Puntreis

Meisa da miezdi organisada da Seniora-Ca e Puntreis

Entschatta: allas 12.15 ella Puntreis

Gentar cun treis tratgas inclusiv aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun Seniora-Ca

PS/SP Surselva und Verda/Grüne

Sentupadas cun personalitads, candidatas e candidats per l'elecziun el Cussegl grond dils **15 da matg 2022**: tedlar – discuorer / zuhören – diskutieren. Die Anlässe sind öffentlich. Alle Interessierten sind (unabhängig von der Parteipolitik) herzlich eingeladen.

9. April 2022

Jacqueline Badran, Nationalrätin SP des Kt. Zürich, Vizepräsidentin SP Schweiz «**Gemeinsame Interessen Stadt/Land?**»

Vals, Restaurant «Edelweiss», 9.00 Uhr

Ilanz, Aula Schulhaus, 11.00 Uhr

Disentis, «Nangijala Bar», 15.00 Uhr

Uniun da dunnas Disentis/Mustér - Suentermiezdi da Pastgas

Cordialmein envidein nus tut ils affons tochen quater onns cun mumma, bab e fargliuns ad ina spassegiada per encurir la lieur da Pastgas. Silsuenter vegn aunc offeriu ina pintga marena.

Datum: **Gievgia, ils 14 d'avrel 2022**, allas 14.00

Liug da sentupada: Parcardis Fontanivas sper il lag

Per plascher s'annunziar entochen ils 12 d'avrel 2022 tier:

Sonja Muscas, 079 681 58 66 ni

Sarah Huonder, 079 265 42 92

Sin Vossa participaziun selegran *Las menadras dil ressort affons*



Fiasta dil vitg Mustér, ils 13-8-2022

Liebe Interessierte

Anmeldungen für den Produktemarkt an unserem Dorffest nehmen wir gerne unter bigliel@hotmail.com oder 076 566 63 76 bis am **30.4.2022** entgegen.

Wir freuen uns auf ein lebendiges Dorffest – gemeinsam mit euch!

«*Mustér s'entaupa*»

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occorrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei!

Cun ils pli cars salids *Mats, la miur ed il team dalla Biblioteca popolare Disentis/Mustér e contuorn*
